

## 3. gr.

Stofnfé sjóðsins er 10 000,00 kr. Stofnfé má ekki skerða. Ávaxta skal fé sjóðsins með hagkvæmasta hætti, sem völ er á á hverjum tíma.

## 4. gr.

Tekjur sjóðsins eru vaxtatekjur af stofnfé og það annað fé, sem sjóðnum kann að áskotnast.

## 5. gr.

Vörslu sjóðsins og stjórn annast rektor Menntaskólans í Reykjavík, svo og verðlauna-veitingar.

## 6. gr.

Bók skal færa yfir eignir sjóðsins og ársreikninga hans. Þar skal og færa skýrslu um allar verðlaunaveitingar úr sjóðnum.

## 7. gr.

Árlega skal birta reikninga sjóðsins í skólaskýrslu Menntaskólans í Reykjavík og greina frá verðlaunaveitingum. Endurskoðun sjóðsins skal vera með sama hætti og annarra sjóða í vörslu rektors.

## 8. gr.

Leita skal staðfestingar forseta Íslands á skipulagsskrá þessari.

## REGLUGERÐ

### um breyting á reglugerð nr. 168 17. ágúst 1970 um heilbrigðisskoðun á sláturafurðum.

## 1. gr.

Á eftir þriðja tölulið 13. gr. reglugerðarinnar komi nýr töluliður svohljóðandi:

4. Öllu kjöti og sláturafurðum, sem seldar eru til útlanda skal fylgja uppruna- og heilbrigðisvottorð. Heilbrigðisvottorð skulu gerð eftir fyrirsögn yfirdýralæknis á sérstök eyðublöð sem landbúnaðarráðuneytið skal hafa tiltæk.

Á heilbrigðisvottorði skal koma fram að afurðir þær sem tilgreindar eru á vottorðinu séu af íslenskum gripum, er hafi hlotið heilbrigðisskoðun fyrir og eftir slátrun og reynst heilbrigðir, og að meðferð þeirra hafi verið í samræmi við fyllstu hollustukröfur.

Heilbrigðisvottorð skulu útfyllt svo sem við á hverju sinni og undirrituð af yfirdýralækni að fengnum nauðsynlegustu upplýsingum staðfestum af viðkomandi kjötskoðunarlækni eða fulltrúa hans og útflutningsaðila.

Á heilbrigðisvottorði skal tilgreina hvaða tegund afurða vottorðið nær til.

Ennfremur skal tilgreina fjölda skrokka og stykkja, þyngd þeirra og auðkenni eða númer. Þá skal greina á vottorðinu númer sláturhúss og nafn, sláturmánuð og ár, sendanda vöru og móttakanda sem og flutningstæki.

Þegar um sendingu í lokuðum gámum er að ræða, skal tilgreina númer og auðkenni gámsins.

Kjótskoðunarlæknir eða fulltrúi hans skal fylgjast með þegar hleðsla fer fram og sjá um að gámar séu innsiglaðir á viðhlítandi hátt, strax og hleðslu er lokið.

Heilbrigðisvottorð skulu samin á ensku eða á þeirri tungu sem innflytjandi óskar eftir. Frekari upplýsingar má tilgreina á vottorðinu teljist það nauðsynlegt eða sé þess óskað.

2. gr.

Reglugerð þessi er sett samkvæmt heimild í lögum nr. 30, 28. apríl 1966 og öðlast gildi þegar í stað.

*Landbúnaðarráðuneytið, 9. júní 1983.*

**Jón Helgason.**

*Sveinbjörn Dagfinnsson.*

## REGLUGERÐ

**um breyting á hafnarreglugerð fyrir Landshöfn í Keflavík og Njarðvíkum, nr. 52  
26. mars 1971.**

1. gr.

3. gr. orðist þannig:

Hafnarstjóri skal ráðinn sem fastur starfsmaður hafnarinnar og skipaður í starfið af ráðherra þeim, sem fer með hafnarmál.

Hafnarstjóri hefur daglegan rekstur hafnarinnar með höndum undir yfirstjórn hafnarstjórnar, svo og framkvæmd einstakra verkefna og samþykka hafnarstjórnar, eftir því sem hún ákveður. Hann situr fundi hafnarstjórnar með málfrelsi og tillögurétt.

Hafnarstjóri ræður fasta starfsmenn, en samþykki hafnarstjórnar þarf til ráðningar í hverju tilviki.

Hafnarstjórn setur hafnarstjóra starfsreglur starfsreglur, ef þurfa þykir, sem samþykktar skulu af samgönguráðuneytinu.

Reglugerð þessi, sem sett er samkvæmt lögum um Landshöfn í Keflavíkurkaupstað og Njarðvíkurhreppi, nr. 23/1955, með síðari breytingum, staðfestist hér með til að öðlast þegar gildi og birtist til eftirbreytni öllum þeim sem hlut eiga að máli.

*Samgönguráðuneytið, 7. júní 1983.*

**Matthías Bjarnason.**

*Ólafur S. Valdimarsson.*